

+H
 corpus: ReF.MLU
 language-area: nordbairisch
 language-region: ostoberdeutsch
 language-type: oberdeutsch
 genre: P
 medium: Handschrift
 time: 15,1
 reference: Hs.: Blatt (r/v), Kolumne (a/b), Zeile
 corpus-sigle: F005, II-Aa-P2,H
 text: Sendbrief von wahrer Andacht
 text-author: Eberhard Mardach
 text-type: EB: Erbauliche Texte
 assignment_quality: Z2
 hoffmann_wetter_nr: -
 library: Augsburg, Universitätsbibliothek
 library-shelfmark: Cod. III.1.2° 4
 date: 1428
 place: -
 text-place: Nordbayern
 printer: -
 edition: nicht vorhanden
 size: -
 language: fnhd
 literature: -
 notes-transcription: - Lombarden im Text mit () markiert; - j-Schreibung: nicht ganz eindeutig wann groß und wann klein; hier immer als Minuskel umgesetzt; - \$: im Text noch deutlich als zwei Buchstaben; als \$ umgesetzt; - Superskripte über u und w nicht deutlich zu erkennen; an manchen Stellen könnte es durchaus überschriebenes e sein; da es nie wirklich deutlich ist, wurde diese Superskribierung mit * umgesetzt; - Die griechischen Kontraktionskürzen der Nomina Sacra für Jesus und Christus wurden als fremdsprachlich markiert und in adäquater lateinischer Umschrift umgesetzt (Ie/s etc. für Jesus und Chr/s etc. für Christus).; - ebenso wurde mit der Kontraktionskürze itm bzw. jtm für lat. iterum verfahren (it/m).
 abbr_ddd: MarAn
 extent: FnhdC: -; compl: 99va - 104ra (alles)
 extent-size: FnhdC: -; compl: 3.766 WF
 @H

F005-099va,19 Dicz Ist ein abgescriff eines briffs den ein geystlicher beychvater gesendet hat seinem geistlichen kinde jn ein closter vnd dye materie jst von rechtem waren sich

F005-099va,20 ern andaht MEin liebes kind wilt du gern pald vnd schir on grosz mue vnd arbeit ein rehter warer andehtiger gotlebender mensch vnd gotes frewnt werden so solt du stellen vnd arbeytten nach rehtem waren sicherm vnd gewissem andaht domit vnd mit dem du niht wetrogen mugest werden wann du solt dicz wissen merken vnd versten daz etlich menschen daz leyden Jhesu Chr-i offt vnd dik wedenken vnd wetrahten mit sulcher jnnikeit daz sie mit heyszen zehern vberflus

F005-099va,21 zeklichen vbergoszen werken Auch geschiht ez daz jr etlich jn sulcher wetrahtung vnd andaht also verzukt werden daz sie die gestalt xpin vor jr augen an dem crewcz gespannen sehen vnd sie dunkt wie er mit jn rede ab dem crewcz Ez geschiht auch daz jr etlich die gestalt xpin sehen jn seiner maiestat siczen alz einen keyser vnd Mariam gestalt alz ein keyserin neben jm vnd die zwelff poten vnd die viervndzweinzig alten vnd vil ander heyiligen vnd engel mit sochem clarem liecht zu mitternacht alz ob ez ein clarer lichter tag sey vnd dicz sehen sie etwen mit offen wach

F005-099va,22 enden augen so geschiht ez auch etlichen slaffent jn ein tron oder etwen jn einem zug jtem ez geschiht auch daz etlich jn jrem andaht solch enpfintlich suszikeit vnd solchen guten smak vnd rauch haben vnd enpfinden jn jrem mund jn jren nasen vnd jn jrem leyb daz jn daz vnawzsprechenlich jst vnd daz geschiht auch offt jr etlichen wenn sie daz saceterament enpfahen jtem ez geschiht auch daz etlichen auch offt eines oder zweyer engel gestalt erscheint mit clarem liecht etwen wach

F005-099va,23 ent vnd etwen slaffend oder jn einem zug Auch etwen Ma

F005-099va,24 rien gestalt etwen eines andern heyiligen jtem ez werden etlich offt alzo ein gezogen von allen aussern synnen daz sie nichtcz sehen noch horen noch enpfinden wie man jn tut oder waz vor jn geschiht vnd alzo schreibt sand augustin von einem brister der kond sich selv von natur alzo ein zyhen alz offt er wolt jtem ez geschiht auch

daz etlich vnd sunderlich frawen die von natur gewonlich myner speysz wedurffen den die man daz sie einen monad oder zwen on leib

F005-099va,25 lich speysz seind vnd also schreibt der grosz albertus daz er zu koln solch menschen hab ge

F005-099vb,01 sehen vnd jch hab ein solich junkfrawen gesehen die erst bey dreien jaren tod jst Nu solt du wissen vnd merken daz disze vor genanten dink alle daz jst solcher andaht vnd jnnikeit suszikeit vnd offenwarung zug vnd geschicht eingezogenheit vnd der speysze mangel vnd dezgeleich die sein gut wenn daz jst daz dise dink von got vnd von gnad sind vnd wenn man sie demutiklich vnd tankperlich enpfahen kan vnd nuczlich vnd fruchtperlich brauchen vnd weyslich vnd wehutsamlich wehalten kan so seind sie gut Aber dise dink seind dennoch niht ware zeichen der heylikeit noch rehter warer andaht wann sie seind offt vnd dik vnsicher vnd gar vngewise vnd gar wetrogenlich wann diser ding seind etliche offt von dem bosen geist vnd jr etlich offt von jn beyden vnd also geschicht ez so eins went ez sehe xpm vnd mariam vnd engel vnd hey

F005-099vb,02 ligen so seind ez bosz geist vnd also werden noch hewt zu tag vil menschen damit vnd da

F005-099vb,03 durch wetrogen vnd verweyst vnd sunderlich die keczer vnd die peghart vnd pegin vnd dorumb jst solche andaht gar vnsicher vnd auch vngewisz wann waz von der natur oder von dem bosen geist oder von jn beyden Ist vnd gesein mag doran jst sich niht zu laszen vnd jm jst auch niht zu getrawen so ist auch dovon niht zu halten nach der warheit Nu solt du wissen vnd wiszlichen merken vnd mit niht vergessen daz sulch menschen allermeyst jn disen dingen wetrogen werden vnd mit sul

F005-099vb,04 chem andaht verweyszt vnd ver

F005-099vb,05 furt die da eygens willen vnd eygens synnes zu vil haben vnd auch disz die der warheit vnd guter gesunder lere niht glauben noch folgen wollen sunderlichen jren obern oder den eltern vnd auch disz die do noch mit vntugenden ia newer mit einer merklichen vntugent wehangen vnd wegriffen vnd ein gewikelt jst oder sind von jnnen vnd von aussen vnd wesunder mit geistlicher hoffart oder mit eygen wolgefallen jr selbs Sich solcher menschen andaht vnd jnnikeit vnd weynnen vnd zehar vergissen jst alleweg argwenig vnsicher vnd vnge

F005-099vb,06 wisz falschz vnd gestift all dieweyl eins jn sulchen ge

F005-099vb,07 bresten oder vntugenden lebt vnd stet alz davor wescheiden jst vnd auch alle die weyl sein hercz vnd gewissen noch niht genczlichen sleht vnd lauter jst vnd ob halt ein sulcher mensch tag vnd naht an vnderlosz an der venicleg jn einem winkel oder jn einer clausen oder jn einen wald oder jn einem closter jn seiner zelle oder vor dem crucifixe oder vor einen altar jn der kirichen auff seinen herczen vnd ob er verreret oder vergusz so vil heys

F005-099vb,08 ser zehar alz vil tropfen wassers von dem hymel geregen mugen dennoch jst seiner andaht niht zu getrawen noch dovon zu halten noch der warheit welcher mensch aber sich selber ausz gotlicher mynne vnd lieb mit einen reynen lauttern herczen vnd mit einer guten gewissen vnd mit einem waren vesten vngestifften glauben jn allen dingen lat vnd sich got genglich gibt vnd wevilht jn lieb vnd jn leyd vnd mit slehten Worten jn allem leyden vnd wider

F005-099vb,09 wertikeit vnd wetrubnusz vnd dem gotlichen willen de

F005-099vb,10 mutiklich mit williger gedult vnd gelaszenheit dankperlich gehorsam jst sich disz jst rehter vnd warer sicher vnd gewissz andaht vnd jst auch ye vnd ye gut vnd gereht vnd von got all

F005-099vb,11 zeit vnd niht von der natur noch von dem bosen geist vnd jst auch ein sicher gewisz zeichen rehter warer heylikeit vnd rehcz andehtes vnd daran mag man sich sicherlich wol gelaszen vnd dovon halten jn der warheit vnd dorvmb mein libes kind wil du ye ein rehter warer andehtiger mensch werden vnd ein warer gemynter gotes freunde so laz vnd leyde dich gib vnd wevilh dich got jn der weysz vnd masz alz dovor weschey

F005-099vb,12 den jst vnd zu disem andaht gehort niht eygentlich arbeit dez leybes oder daz man jn einen wikel sliff oder daz man sich versperren lasz jn ein clausen noch jn ein closter oder daz man flieh jn ein wald oder daz man vil vast mit was

F005-099vb,13 ser vnd mit brot all tag oder daz man vil pett zehen psalter vnd zehen vigil oder zehentau

F005-099vb,14 sent pater noster oder daz man ander grosz leiblich arbeit vnd vbung tw mit sich selb geyseln vnd ein ciciliun oder ein panczir an trage vnd barfusz gen vnd auff der erd ligen vnd des ge

F005-099vb,15 leich Sunder ez gehort zu disem vor genanten waren sichern an

F005-099vb,16 daht arbeit der vernuft vnde dez herczen wann disz jst vnd stet allein vnd ligt allein an dem freyen willen vnd also vnd dorvmb mahst u disen andaht vnd jnnikeit mit gotes hilff wol wehaben vnd geleysten vnd dorzu kumen all zeit wenn du wilt vnd alz offt vnd dik du wilt wenn daz jst daz du daz dein darzu dust alz vil alz ez an dir jst wann doch got ye vnd ye daz sein tut jn den dingen vnd dorvmb ob disz dink gebrist vnd erwindet so ge

F005-099vb,17 brisst ez an dir vnd niht an got wann got der jst vnd wirt ye vnschuldig an allen verloren menschen jst aber daz dich disz dink mulich vnd swer dunket vnd do seyst niht ge

F005-099vb,18 schikt daz du dich also laszen vnd leyden kunnest vnd mugest alz vor wescheiden jst so thw auff die jnnern augen der vernuft vnd da sich vnd merk vnd verstee eygenlich nach der warheit der wewerten gesch

F005-099vb,19 rufft die doch ye vnd mit niht liegen noch wetrigen mag da siech wie vnd waz vnd wie

F005-099vb,20 vil ein grober vngeschikter ley schuldig sey zu thun jn dem aller

F005-099vb,21 groszten vnreht vnd schaden der jm geschehen vnd widervaren mag jn diser zeit vnd daz jst disz wenn daz jst vnd geschicht das einem alles sein zeitliches gut vnd alle sein ere vnd darzu sein leben vnschuldiklich genumen

wirt daz doch manigem geschiht daz siche vnd merke eben waz ein solcher von not cristens ge

F005-099vb,22 lauben vmb sein ewik seli

F005-099vb,23 keit thun sull vnd musz das

F005-099vb,24 selb vnd niht mynner must du auch thun niht allein jn groszem vnreht vnd schaden der dir ge

F005-099vb,25 schiht ja auch jn einem kleinen yczlichen ding daz dir von allen creatures wideruert Nu merk vnd merk auch eben ein grober vngeschikter ley der an einem offen geriht jczunt vervrteilt jst zu dem tod vnschuldiklich alz doch etwen geschiht Nu derselb jst jczunt voran weraubt alles seines gutes vnd aller seiner eren vnd darzu wil man jm jczunt zu stund sein leben auch nehmen on schuld Nu merk wil er denn jn disem allergroszten vnreht vnd schaden der jczunt alzo ge

F005-099vb,26 schiht wol vnd sicher sterben alzo daz er niht verloren werd sich so musz er ye vnd ye solch gedult vnd gelassenheit haben jn den dingen daz er allen zorn von aussen vnd all zornmutikeit von jnnen vnd all veyndschafft neyd vnd hasz murmeln vnd gremisikeit vnd darzu werk vnd willen aller rach genczlich ausz den herzen laszen musz ven darzu musz er auch dem hahe der jn jczunt toten wil dem er doch nye leyd hat getan vnd auch allen den die an seinem tode schuldig sein den musz er von herzen ganz vergeben ob sie jn halt nymer dorvmb bitten Mein kind hast du nu ein gut wol geschikt vernuft vnd gelaubst du der lauttern sichern warheit so merk bey disem exempel wie vnd waz vnd wie vil du nach deinem state thun sullest vnd mussest jn allem dem daz dich an get ez sey kleyn oder grosz wye wa vnd von wem dir daz geschiht vnd widervert jn all weysz wesunder wann du doch beszer scheynest vnd auch noch gar gern vil beszer werest denn ein sulcher grober ley dem ein sulch grosz vnreht vnd schad ge

F005-099vb,27 schiht dorvmb solt du auch pil

F005-099vb,28 lich dester mer gelaszen vnd vil mer dester geduldiger alle zeit sein denn ein solcher grober ley wesunder wann du auch vil basz geschikt pist vnd ez baz weyst vnd versteest denn ein solcher ley vnd auch wesunder vnd aller

F005-099vb,29 meyst dorvmb vnd vmb daz wann du jn dem state der vol

F005-099vb,30 kumenheit bist wie wol daz jst daz du noch zumal vnvoll

F005-099vb,31 kumen bist vnd daz dir noch gar vil gebrist an der volkumenheit so jst doch der orden alz all ander wewert orden ein state der volkumenheit vnd dorvmb bist du dez vil mer schuldig denn ein jczlicher wer

F005-099vb,32 ntlicher ley dorzu solt du auch so vil mer gelaszen vnd gedultig sein alz vil daz vnreht oder der schad oder der widerdresz der dir geschiht mer kleyn vnd vnaht

F005-099vb,33 per jst wann seint ein malen man den allergroszten alzo ge

F005-099vb,34 laszenlich vnd alz gedultiklich leyden musz so sol vnd musz man daz allerkleynst vnd mynest vil vnd vil pillich leyden we

F005-099vb,35 sunder wann auch ein kleins vil leichter jst zu leyden denn ein grosses dorzu solt du wissen vnd merken welcher mensch vmb ein kleyn dink zornet oder vngedultig jst derselb jst jn sein aht vil boszer vnd strafflicher zu schaczen denn ein ander dorvmb ein grosz dink zornig vnd vngedultig jst vnd dicz solt du niht vergessen vnd dorvmb mein kind secz dir dicz exempel von einem solchem groben leyden den man alzo on schuld ertottet fur daz aug der vernufft vnd sihe dorein alz jn einen cloren spigel zu aller zeit vnd alz oft dir dicz geschech vnd widervar daz du oder dein schalk der natur niht gern hab vnd daz wider dich sey von wem oder von wanne daz kum oder wye oder jn welcher weyse daz geschech ez sey klein oder grosz so sprich wider dich selber wehen

F005-099vb,36 diklich oder gedenk alzo sich an wilt du disz niht leyden wenn woltest du denn einen schentlichen tod vnuerschuld leyden sich wo bist du doran wie jst dir newr oder waz bist du doch oder wie blind bist du newr O wo jst dein gelaub vnd dein hoffnung wo jst gotlich lieb jn dir von wel

F005-099vb,37 cher doch geschriben stet alzo gotlich lyeb leydet gedultiklich all widerwerdikeit vnd sie wirt niht erzorn wie vnreht jr ymmer geschiht sich wo slaft dein lieb O wez trost du dich ach waz dunkest du dich newr sein oder waz wenest du daz du seyst O wo jst nw dein andaht vnd dein ernst oder dein heylikeit ach wez nymest dich newr an wilt du ein klein dink niht leyden ach du rehte gleysznerin vnd we

F005-099vb,38 trigin wie effest du dich doch selber so jemerlich vnd wetrwgest dich selb so boszlich O du bosen selige hawt wie gar snad vnd wie gar durfftig bist du doch jn den augen gotes vnd aller engel vnd heyiligen wilt du ein wort niht leyden oder einen kleinen widerdrisz von deinen nehsten der dich strafft deiner meysterschaft so man dir auch reht tut vnd so du schuldig bist vnd ein grober ley der musz doch einen schentlichen tod vnuerschuld leyden ach wa jst nu dein geistlich

F005-099vb,39 keit o du armer durfftiger tropff wo gedenkest du newr hin aber wez vberhebest du dich newr ach wie gar vnreht jst dir waz bist du newr ja ein snoder sak vol kocz nach dem leyb vnd ein arme sel vol vntugent vnd du tregst doch ein scheffein kleyd ob dem schalk der jn dir ver

F005-099vb,40 borgen ligt vnd alzo mit sulchen Worten oder gedenken dez ge

F005-100ra,01 leichen solt du dich selber alleweg jn deiner gewissen zwischen dir vnd got demutigen vnd vernihten verwerffen vnd verdruken vnd mit einem solchen vndergang vnd we

F005-100ra,02 kennen der warheit wesunder wann ez auch ye vnd ye die lautter clar offenwar warheit jst solt du dich alzo wehelffen vnd dich alzo nidern vnd druken vnder got mit einen rechten waren wekennen deiner snodikeit vnd

durftikeit vnd dem s niht jst denn daz du disz warlich also versteest vnd wekennest ausz einer guten wolgeschikten ver
 F005-100ra,03 nufft vnd ausz einem waren vn gestifften gelauben so vindest du jn der warheit daz du dich von not
 pillich leyden vnd laszen solt vnd must jn allen dingen nihz ausz genomen vber
 F005-100ra,04 all vnd dorvmb solt du dich got genczlichen geben vnd weuelhen jn lyeb vnd jn leyd jn allem dem
 daz dich an get leyblich vnd geist
 F005-100ra,05 lich von got vnd von allen crea
 F005-100ra,06 turen tust du daz sich daz jst dir nuczer vnd besser vnd fudert dich vil mer zu einem guten seligen
 heyligen leben denn ob du hetttest aller der meyster kunst vnd weysheit die jn der ganczen werlt sind vnd denn ob du
 auch darzu bettest alle tag ob ez dir muglich wer hun
 F005-100ra,07 dert salter vnd zehentauesent pater noster vnd so vil vigil vnd denn ob du so vil goldes durch got
 gebst ob du ez hetttest alz ein grosser berg jst vnd dorvmb ob du disz tust alz davor wescheiden jst so wirst du ye schir
 vnd pald ein solcher gotlebender mensch von dem der heylig geyst durch den weysen salomon also spriht nihts we
 F005-100ra,08 trubt den gerechten waz jm auch geschiht Auch zu dem vor genanten exempel von einen groben
 leyen den man on schuld ertottet sunderlich dez dings dez man jn zeiht scholt du auch disz wiszen vnd vernufftiklichen
 merken vnd nymmermer ver
 F005-100ra,09 geszen hetttest du all dein tag niht mer denn newr allein ein einige todsunde getan so solten dich
 alle creatur dorvmb vnd vmb daz daz du jrem schop
 F005-100ra,10 pfer erzornet hast dorvmb solten sie dich pillich verwerffen versmehen vnd durch ehten vncz jn den
 tod vnd dorvmb ob dich ein wild tyr fresz oder ob du jn ein fewr oder jn ein wasser vielest vnd also verdurbest oder ob
 man dich eines mordes zig vnd dich dorvmb mit einem gereht er
 F005-100ra,11 totet vnd ob du auch dezeselben mordes vnschuldig werest dennoch gescheh dir niht vnrecht dein
 halb wann mit der einigen todsunde hast du vil mer verschult gegen got denn einen solchen tod Nu daz disz war sey vnd
 daz du ez versteen mugest so wisze daz jn libro regum ge
 F005-100ra,12 schriben stet also daz got disz ein mal verhenget vber einen heyligen propheten daz ein ein leo
 ertottet newr allein vmb ein teglich sund der vnghehorsam die er verseumilich newr mit vngewarheit nit versmehlich noch
 freuelich hett getan jt-m man liszt auch jn vitas patrun daz got einen heyligen altvater vmb ein klein vnweyszheit oder
 sund da er doch wond er tet ein gut werk vnd wann er daz on redlich sach vnweschey
 F005-100ra,13 denlich tet dorvmb liesz jn got vallen jn ein grosze swere krankheit dez leibs die er vier jar vncz an
 sein ende ha
 F005-100ra,14 ben muszt bey disen dingen merk aber vnd aber mit guter wetrah
 F005-100ra,15 tung vnd mit ganzem fleysz hast du ein gut klar wolge
 F005-100ra,16 schikte vernuft vnd einen waren vngestifften gelauben so merk vnd verstee wie gar gelaszenlich vnd
 wie gedultklich wie gar weyslich vnd vernuftklichen du dich halten sullest vnd mussest jn allen den dingen die dich an
 gen von got vnd von allen creaturen jn alle weysze wesunder wann got so streng vnd so gereht jst daz er heylig lewt vnd
 sein wesunder gut frewnt vmb klein sund also swerlich plaget mit dem tod vnd mit krankheit alz jczunt davor jst gesagt
 darnach solt du merken vnd versteen vnd wol wehaben vnd nymmermer vergessen drey merklich vnd treffenlich puncten
 vnd stuk an den vnd doran die ganz materie diser lere miteinander jn kurczen slehten Worten genczlich jst wegriffen daz
 erst stuk jst daz nyemant an seinen jnnern menschen daz jst an seiner sel versert noch verschedigt werden mag denn
 newer allein von jm selb wann kein creatur mag jn zu keiner sund wider seinen freyen willen mit niht notton noch
 wezwingen vber
 F005-100ra,17 all vnd dorvmb alle die ent
 F005-100ra,18 schuldigung die jemant wider sein sund jn aller weyse ymer vinden vnd erdenken kan das hilfft jn
 je doch niht Daz ander stuk jst dicz allez daz daz einem jczlichen von got vnd von allen cre
 F005-100ra,19 aturen wideruert vnd geschiht jn alle weysze daz jst jm got willig vnd dazselb jst auch sein halb die
 ere vnd der will go
 F005-100ra,20 tes wann got sucht vnd meint niht anders damit vnd dor
 F005-100ra,21 jnne denn sein selbs ere vnd dez menschen nuz vnd selikeit vnd dorvmb alz sand paulus spricht den
 liebhabern gotes kunnen vnd mit wurken alle ding zu got wann sie gelauben vnd halten vnd wissen disz jn der warheit
 daz jn got alle ding zu gut tut vnd daz ez allez von got jst vnd auch die ere go
 F005-100ra,22 tes wie vbel ez jn get vnd wie hert ez jn ymmer ligt jn allen sachen vncz jn den tod vnd dor
 F005-100ra,23 vmb werden sie niht wetrubt Daz dritt jst dicz daz alle dink wie nucz vnd wie nottorftig sie ymmer
 gesehen werden dennoch sol man sie laszen vnd versmehen allein dorvmb vnd vmb daz daz zorn vnd we
 F005-100ra,24 trubnusz gelaszen vnd vermeiden werden vnd allez daz daz wider
 F005-100ra,25 wertig wirt geschen daz sol man leyden vnd enpfahen dor
 F005-100ra,26 vmb daz die frewntschafft got
 F005-100ra,27 licher lieb vnd dez frides vnzer
 F005-100ra,28 stort vnd wehaben vnd wehalten vnd dicz jst die sach wann ez jst nihtcz schedelicher noch woser
 denn zorn vnd wetrubnusz vnd auch also do wider jst auch nihcz nuczer vnd besser denn gotlich vnd bru

- F005-100ra,29 derliche mynne vnd lieb vnd der frid dicz dritt jcz genant stuk sol man versten von den dingen die man von bott oder von gelubd oder von gehorsam niht stuldig jst zu tun oder von ehasstiger nott niht tun musz wann dieselben ding sol man niht laszen durch frides willen jt-m daz vor genant dritte stuk sullen vnd muszen auch die obern niht alleweg halten wann wenn sie jr vn
- F005-100ra,30 tetan mit frid vnd mit lieb niht gestraffen mugen so sullen vnd muszen sie dovon not we
- F005-100ra,31 truben vnd erzornen mit der straff vnd mit der busz vnd dez sind sie schuldig von jres amptz wegen Aber jn den dingen sul
- F005-100ra,32 len die obern jn jn selv von jnnen niht zornig sein noch werden wiewol daz jst daz sie von aussen herte wort vnd werk mit der straff erzeygen vnd weweysen muszen vnd auch sullen welcher mensch nu ein wol
- F005-100ra,33 geschikt vernuft vnd erkennen der warheit vnd einen rehten waren vngestifften gelauben hatt derselb merkt vnd verstet nu wol clerlich merklich vnd vnwetrogenlich wie er sich jn lieb vnd jn leyd vnd jn allen den dingen die jm widervaren vnd geschehen leiblich vnd geist
- F005-100ra,34 lich von jnnen vnd von auszen von got vnd von allen creaturen wie er sich da halten sulle vnd musz ob daz jst daz er ein rehter warer andehtiger got lebender gerechter mesch vnd ein warer gotesfrewnt werden wil jn der warheit vnd dorvmb mein liebes kind leb vnd halt dich nach diser lere vnd wesunder nach den vor genanten dreyen leczsten stuken tapferlich redelich vnd verwegenlich vncz jn daz ende on ab laszen so wirst du ye ein solcher guter gerechter menscz als dovor wescheiden jst on allen zweyfel ob daz jst daz du dicz alzo tust vnd dabey weleybest vnd weharrest vncz jn den tod wann weharrum jst ein solch tugent durch ein jczlich gut werk vnd ein jczlich tugent wirt gekronet wann an jr ligt vnd westet aller menschen heyl vnd selygkeyt alz die ewig warheit vnd weyszheit je-us Chr-s selv spriht jm ewangelio welcher weharret vncz jn daz ende derselb wirt wehalten wanne on weharrung wirt kein werk gut noch tugent wegabt vnd alle volkumen
- F005-100ra,35 heit wirt gar zu niht on we
- F005-100ra,36 harrung vnd dorvmb vnd alzo daz jch diser rede vnd lere ein ende gebe mein libs kind jn Chr-o dem herren vahe jczunt zu stund an vnuerzogenlich ob du ez vor niht getan habst alz jch furht vnd lern dich selv vnd dein eygen niht vnd durftikeit armut blozheit vnd blintheit genuchlich vnd jnnerlich wekennen nach der warheit wer vnd waz du ey
- F005-100ra,37 genlich seyst vnd kunest vnd vermugest vnd ausz demselben wekennen vindest du clerlich vnd merklich jn der warheit daz du dich von not pillich laszen vnd leyden solt jn allen dingen vnd dich selv got gencz
- F005-100ra,38 lich geben vnd weuelhen jn lieb vnd jn leyd vncz jn den tod vnd dicz jst die allerhohst nust kunst ob aller meyster kunst diser ganczen werlt vnd jst auch der aller sicherst best nuczst vnd gewiszt an
- F005-100ra,39 daht den jemant jn diser zeit gehaben mag vnd wenn du denn disze kunst gelernest vnd disen andaht weggreiffest so solt du den dobey weleyben vnd weharren bisz jn das ende Nu solt mit niht ver
- F005-100ra,40 geszen daz du zu disen dingen wol kumen mahst mit der hilff gots allzeit wenn vnd alz oft du selv wild alz jn diser vor merklich jst weschey